



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. II. Triplici conclusione difficultas proposita resolvitur,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

126 DISPUTATIO PRIMA

Strari visionis beatificæ possibilitatem ; illa tamen supposita, demonstratione Theologica, ejus possibilitatem posse ostendi.

Prima pars hujus corollarij patet ex dictis, Nam adhuc revelatione supposita, non potest naturalis ratio nisi causas & effectus naturales cognoscere : At ex illis nequit evidenter cognosci possibilis visionis beata, ut supra ostensum est : Ergo etiam revelatione supposita, ratione naturali demonstrari nequit.

Quod vero Theologicè demonstrari possit, etiam constat, nam haec demonstratio Theologica est : Propensio innata, sive naturæ sit, sive gratia, ad impossibile terminari nequit : At homo habituali gratia prædictus, propensione innata, non naturæ, sed gratia, in supernaturalem beatitudinem tendit : Ergo illa est possibilis. In qua demonstratione Major est nota lumine naturali, Minor vero est de fide, cum gratia habitus secundum fidem, sit semen gloriae, & fons aquæ salientis in vitam aeternam, seu in illam connaturaliter tendens : Ergo conclusio qua ex illis præmissis per bonam consequentiam infertur, Theologica est.

ARTICVLVS V.

Qualis sit appetitus hominis viatoris, ad claram Dei visionem?

§. I.

Quibusdam præmissis, referuntur sententiae.

§1.

Notandum primò ex D. Thoma 1. parte quæst. 19. art. 1. duplē dari appetitum, unum innatum, alterum elicītū. Primus est inclinatio seu propensio ab Authore naturæ indita, quæ unaquaque res, absque ulla cognitione, in suum bonum connaturale est præposta : qualis est propensio gravis in centrum, & levis in locum sursum. Secundus vero, qui propriæ rationem appetitiis habet, est actus appetendi, quo res fertur in bonum cognitum sub ratione boni; & ita procedit à speciali quadam potentia, scilicet ab appetitu sensitivo, vel rationali, quorum unus fertur in bonum sensibile, alter vero in bonum ut sic.

§2.

Notandum secundò, Appetitum elicītū adhuc duplē esse : unum efficacem & absolutum, inferentem executionem mediorum necessariam ad asecutionem boni concupiti : alium ineffacēm seu conditionatum, qui dictam executionem mediorum non fertur, & velleitas quadam appellari solet. Prior significatur per verbum *yolo*, posterior per verbum *yellem* : ille fertur in rem solūm possibilem haberi, iste vero etiam ad impossibilia se extendit.

§3.

Notandum tertio, Appetitum elicītū alium esse necessarium quoad specificationem & exercitium simul, ut in brutis circa bonum conveniens apprehensum, & in beatis circa Deum clarè visum : alium vero esse necessarium tantum quoad specificationem, qualis est actus appetendi beatitudinem in communi ; nam licet homo naturaliter inclinetur ad bonum seu beatitudinem in communi, non necessitatim tamen ad eliciendos semper actus amoris circa hujusmodi bonum, sed interdum eos suspendere potest. His præmissis.

§4.

Difficultas & controversia est inter Theologos,

A quoniam appetitu feratur homo in claram Dei visionem : Scotus enim in 4. dist. 49. quæst. 10. Durandus ibidem quæst. 8. & Valentia 1. 2. quæst. 5. art. 8. disp. 1. punctione 1. docent in natura intellectuali, secundum se considerata, esse appetitum innatum ad claram Dei visionem, prout est in se trinus & unus. Vazquez autem 1. 2. disp. 22. Suarez libro 2. de attrib. negat. cap. 7. num. 10. & 11. & alij ex recentioribus volunt esse in natura intellectuali appetitum, non quidem innatum, sed elicītū, saltē conditionatum & inefficacem, necessarium tamen quoad conditionem, ad eandem Dei visionem, prout est in se trinus & unus, sive prout est Author tam naturæ quam gratia. Pro resolutione, sit

§. II.

Tripli conclusione difficultas proposita resolvitur.

Dico primò: Non datur in homine secundum se considerato, seu fide & gratia destituto, appetitus innatus ad claram Dei visionem.

Probatur primò: Appetitus innatus (ut in 1. notabili diximus) est pondus quoddam naturæ in bonum sibi connaturaliter debitum : Atqui in homine secundum se considerato, nullum datur pondus naturæ, sed duntaxat potentia obedientialis, ad claram Dei visionem, cum illa non sit connaturaliter ei debita, sed superexcedens & improprietate viribus ejus naturalibus, ut ex supra dictis patet : Ergo non datur in homine secundum se considerato, seu fide & gratia destituto, appetitus innatus ad visionem beatificam. Unde D. Thomas in 4. dist. 49. quæst. 1. art. 3. quæst. 1. 3. Quamvis ex naturali inclinatione voluntas feratur in beatitudinem, secundum communem rationem, tamen quod feratur in beatitudinem talem vel talem, non est ex inclinatione naturæ, sed per discretionem rationis quæ ad invenit in hoc vel in illo summum bonum hominis constare.

Confirmatur & magis illustratur haec ratio : 86. Appetitus innatus est à Deo ut Authore naturæ, & infundente formam naturalem : Sed appetitus visionis claræ Dei, non potest esse ab Authore naturæ : Ergo non potest dati appetitus innatus ad illam. Major patet, Minor probatur primò. Appetitus à Deo ut Authore naturæ induitus, solūm tendit in Deum ut finem naturalem, nam ut communiter dicitur, *juxta ordinem agentium, est ordinis finis* : Atqui Deus, ut clarè visus, non est finis naturalis, sed supernaturalis : Ergo appetitus visionis claræ Dei non potest esse à Deo ut Authore naturæ, sed solūm ut largitore gratia & aliorum donorum supernaturali.

Secundò eadem Minor suadetur: Author naturæ non dat appetitum quem non possit explere: Sed Deus ut Author naturæ, non potest explere aut quietare appetitum visionis beatificæ : Ergo nec illum tribuere. Minor patet, natura enim, sive potius Author naturæ, nihil facit frustra : faceret autem aliquid frustra, si dare appetitum ad aliquid ad quod non posset perducere. Unde Aristoteles 2. de cœlo, textu 3. docet quod si natura dedisset celis inclinationem ad motum progressivum, dedisset etiam instrumenta ad talem motum ; quod etiam alibi afferit de quibusdam animalibus imperfectis, quibus natura talia instrumenta denegavit. Minor etiam non est minus evidens : Tum quia visio beatifica, cum sit

DE POSSIBILITATE VISIONIS DEI. 127

omino supernaturalis, est extra sphaeram totius naturae, imo & ipsius Authoris naturae, considerari praeceps ut talis; sic enim ad effectus naturales coarctatur. Tum etiam, quia ille non potest perducere ad aliquem finem, qui non potest dare media necessaria ad acquisitionem ipsius: Deus autem, ut Author naturae, non potest tribuere media necessaria ad visionem beatam, cum illa sint entitativae supernatura, nimur gratia, fides, spes, charitas, & lumen glorie: Ergo &c.

88. Dico secundò: Ex viribus naturae non datur in homine appetitus elicitus, & efficax ad claram Dei visionem.

Probatur primò: Omnis appetitus elicitus fundatur in aliqua cognitione, unde communiter dicitur, *nihil volitum quin praecognitum*: Sed naturali lumine rationis, visio beatifica non potest cognosci ut possibilis, sicut antea demonstravimus, nec Deus ut Author gratiae, & glorie, sed tantum ut Author naturae: Ergo quamvis ex cognitione naturali creaturarum, sequatur in nobis desiderium naturale videndi primam causam, quatenus prima causa naturalis est, non tam cognoscendi Deum ut est in se, & videndi divinam essentiam.

89. Confirmatur & magis illustratur haec ratio, Circa obiectum ut apparenst impossibile, seu nondum apparenst ut possibile, nullus appetitus efficax fundari potest, ut ex se constat: Ergo cum homo ex viribus naturae, possibilitatem visionis Dei ut est in se apprehendere non possit, ut ostendimus articulo praecedenti, non potest ex viribus naturae illam appetere, appetitu elicito efficaci.

90. Probatur secundo: Si post appetit naturaliter divina essentia visio, desiderio absoluto, & efficaci, possent etiam appeti naturaliter media, sine quibus finis ille haberi nequit, id est auxilia divinae gratiae: Sed hoc Pelagianum est, nam D. Augustinus de corrept. & gratia cap. 1. docet, quod desiderium quod desideramus gratiam . ex gratia est; & D. Prosper contra Collatorem cap. 8. illum redarguit, eo quod dixerit hominem suis viribus posse desiderare anima sanitatem: Ergo &c.

Probatur tertio: In homine respectu visionis divinae essentiae, solum est capacitas seu potentia obedientialis: Sed haec non sufficit ad eliciendum actum desiderij efficacem & absolutum; nam alijs simili actu desideraremus omnia quae Deus sua potentia absoluta in nobis potest efficere, quod absurdum est: Ergo homo non potest naturaliter desiderio absoluto appetere visionem beatificam.

91. Denique suaderi potest conclusio ratione fundamentali. Appetitus elicitus efficax, est ille qui fertur in bonum, propriis viribus, & ex vi illius desiderij consequibile: Sed visionem beatam non possumus assequi viribus naturae, ut est certum de fide: Beatitudo enim perfecta, quae in tali visione consistit, est finis supernaturalis hominis, ad quem ordinatur ex divina gratia: ut in pluribus Concilii definitum est contra Pelagianos: Ergo ex viribus naturae non datur in homine appetitus elicitus & efficax ad claram Dei visionem. Quod ut sit evidenter, & haec veritas, quae est principium disputationis de gratia fundatum, magis declaretur.

92. Observandum est primo cum D. Thoma 1. 2. quast. 109. art. 2. necessitatem gratiae in nobis, ex duplice potissimum capite peti. Primo ex infirmitate naturae per peccatum originale corrupta. Secundo ex elevatione objecti, & actus

A supernaturalis, supra potentias naturales animae Prima ratio necessitatis, non habuit locum in Angelis in statu vice, nec in primis parentibus in statu innocentiae, sed tantum secunda: utraque vero locum habet in hominibus in statu naturae lapsae: ut in Tractatu de voluntate Dei fusè exponemus.

Secundo obseruandum est, in quolibet ordine rerum tria reperi, nempe substantiam, seu naturam rei, finem ipsius, & inclinationem ad illum. Nam Angeli natura v. g. per hoc explicatur, quod sit aptus intelligere omne ens ad modum sue substantiae. Finis ipsius, est cognitio Dei perfectissima, ut reluet in creaturis & accommodatur modo essendi illius. Voluntas est inclinatio tendens ad illum finem. In ordine autem supernaturali, visio beata tenet locum finis, gratia locum substantiae, charitas est inclinatio ad illum finem. Quare sine charitate nullus potest tendere efficaciter ad gloriam, & visionem beatificam, nec illam promereri, & idcirco charitas dicitur esse principium & radix meriti vitae aeternae. Cum ergo ex viribus naturae non possit elici actus charitatis, non potest in natura esse appetitus elicitus efficax respectu visionis beatifica.

Dico tertio: Quamvis ex viribus naturae, possit dari appetitus inefficax & conditionatus clarae Dei visionis, ille tamen non est necessarius quoad specificationem.

B Prima pars patet, tum in hereticis & peccatoribus, hoc modo beatitudinem supernaturalem & claram Dei visionem desiderantibus: tum ex discrimine quod inter appetitum efficacem & inefficacem reperitur: ille enim fertur in bonum ut actu assequibile, & per media obtainendum; ite vero fertur in bonitatem rei absolutam & mundam consideratam: unde appetitus inefficaci & conditionatus impossibili appeti possunt, sicut plures appetunt semper vivere, habere divitias infinitas, & alia hujusmodi.

C Secunda vero pars, quam negant Vazquez & Suarez, ratione fundamentali suadetur. Ut aliquid necessarium appetamus, requiritur quod evidenter cognoscamus in eo consistere vera & adlaquam rationem beatitudinis & summi boni, & non sufficit quod in eo absolute loquendo reperiatur ratio summi boni & verae beatitudinis: Sed ex viribus naturae non cognoscitur clare & evidenter rationem summi boni & verae beatitudinis, in sola Dei visione consistere: Ergo illam non appetimus necessarium quoad specificationem. Major patet, quamvis enim in solo Deo reperiatur ratio summi boni, & tota nostra beatitudo, Deus tamen non amat necessestio ab hominibus, etiam necessitate quoad specificationem, cum plures eum odio habeant. Minor vero patet ex dictis art. praecedenti, ubi ostendimus ex viribus naturae non posse cognosci possibilitatem visionis beatae; ex quibus a fortiori constat, non posse cognosci ex viribus naturae, rationem summi boni & verae beatitudinis, in Dei visione consistere.

D Confirmatur: Quod appetimus necessarium necessitate quoad specificationem, appetitur ab omnibus hominibus, ut patet de bono ut sic, & de beatitudine in communi: Sed non omnes appetunt immediate claram Dei visionem: Ergo illam non appetimus necessarium quoad specificationem. Major patet, Minor probatur. Illi non appetunt visionem claram Dei, qui negant ejus possibilitatem: Sed plures non solum ex Echini-

Disp. s.
arr. 7.

94.

95.

96.

97.

cis, Athēnis, aut Hæreticis, de quibus suprà, sed etiam, ut vult Vazquez, multi ex Ss. Patribus, possebilitatem visionis Dei negarunt: Ergo saltem illam necessariò non appetebant. Dixi *necessariò*, quamvis enim appetitu ineffaci appetere possimus quæ nobis apparent impossibilia, nihil tamen impossibile, cognitum ut tale, appetitur appetitu elicto, necessariò quod specificationem, tametsi ille appetitus sit solùm conditionatus.

§. III.

Solvuntur objectiones.

98.

Objectiones primò contra primam conclusiō nem: D. Thoma h̄c art. i. dicit: *In eis hominī naturale desiderium cognoscendi causam, cūm intuetur effectum.* Ex quo infert, quod si intellectus creatus, non posset ad visionem primæ causæ pervenire, remaneret inane desiderium naturæ: Ergo ex D. Thoma in eis homini naturalis appetitus ad visionem beatificam. Neque dici potest, S. Doctorem ibi loqui de appetitu elicto ineffaci ad visionem beatificam, quem diximus hominem posse habere sine auxilio gratiæ. Ibi enim intendit demonstrare possibiliter visionis beatæ, ex naturali desiderio quod habet homo videndi causam, cūm intuetur effectum: si autem per tale desiderium intelligerer appetitum elictum, ineffacem, & conditionatum, hæc ratio non concluderet: quia appetitus elictus, ineffac, & conditionatus, versari potest circa impossibilia, ut suprà diximus: Ergo &c.

99.

Respondeo approbando responsonem datam: cūm enim D. Thomas ibi loquatur de appetitu videndi Deum, qui excitatur in nobis, visis Dei operibus, qui proinde oritur ex aliqua cognitione præsupposita, manifestum est illum non loqui de appetitu innato, qui nullam præsupponit cognitionem, sed est aliquid veluti pondus naturæ inclinans ad aliquod bonum, sed de elicto, qui in aliqua prævia cognitione fundatur.

Ad instantiam in contrarium, in primis dici potest, rationem D. Thomæ non esse demonstrativam, sed probabilem tantum congruentiam, quia cūm mysteria nostra fidei, inter quæ visio beatifica numeratur, lumen naturale intellectus transcendent, non possunt evidenti ratione demonstrari, sed probabili tantum congruentia suaderi. Hoc pæsto idem S. Doctor in fr̄a quest. 27. Verbi divini processionem probabiliter ostendit, ex eo quod omne intelligens producit in se verbum, & conceptionem rei intellectæ. Et 3. part. quest. 1. art. 1. probat Incarnationem Verbi Divini, ex ratione summi boni, cui connaturale est summo modo se communicare, & resurrectio nem, ex inclinatione animæ ad corpus.

Secundò dicere possumus cum Ferrarensi, quod quando D. Thomas dicit, visis effectibus Dei, exurgere in nobis desiderium naturale videndi causam, non intendit esse in nobis desiderium videndi Deum, ortum ex viribus naturæ; sed quod sit in nobis desiderium videndi Deum, connaturale, & proportionatum cognitioni quam de illo habemus. Unde cūm per lumen naturale intellectus, illum cognoscamus valde imperfectè, & tantum ut Authorem naturæ, ex illo in nobis exurgit desiderium quoddam imperfectum, illum cognoscendi, & videndi ut Authorem naturalem, & quantum ad illa prædicata, & attributa quæ in creaturis relucent. E contra vero, cūm per fidem illum perfectè, ut Authorem gratiæ & gloriae cog-

A noscamus, ex tali cognitione supernaturali, oriatur in nobis desiderium supernatural, & tali cognitioni proportionatum, videndi illum ut est in se.

Objecies secundò: Quælibet potentia habet appetitum innatum in suum objectum, cūm ab illo recipiat totum suum esse, & suam specificationem & perfectionem: Sed Deus clarè visus continetur sub objecto intellectus creati: Ergo connaturaliter in eum inclinatur.

Confirmatur: Quælibet natura creata habet appetitum innatum ad proprium finem & centrum; sicut ignis ad locum sursum, & lapis ad locum deorsum; unde non quiescit, donec ad illum per venerit: Sed Deus clarè visus, est finis creaturæ intellectualis, & proprium illius centrum; unde non quiescit, donec ad illum per venerit: juxta illud Augustini 1. Confess. cap. 1. *Fecisti nos Domine ad te, inquietum est cor nostrum donec requiescat in te:* Ergo &c.

Ad objectionem respondeo, distingendo Magorem. Quælibet potentia habet appetitum innatum ad suum objectum, connaturale, & proportionatum, concedo: Excedens, & improportionatum, nego. Similiter distinguo Minorem: Deus clarè visus continetur sub objecto intellectus creati connaturali & proportionato, nego: improportionato & excedente, concedo. Solutio constat ex suprà dictis.

Ad confirmationem similiter dicendum est, quælibet naturam creatam habere appetitum ad proprium finem, si talis finis sit connaturalis, eique connaturaliter debitus; secūdus autem, si sit supernaturalis, & ad illum gratuitâ Dei voluntate, & ordinatione, elevata. Viso autem beatifica non est finis naturalis hominis, nec ei connaturaliter debitus; sed supernaturalis, & ad illum summâ Dei bonitate, & gratuitâ beneficentia ordinatus. Unde si homo fuisset conditus in statu naturæ puræ, non habuisset pro ultimo fine claram Dei visionem, sed tantum cognitionem quædam abstractivam Dei, ut Authoris naturæ, quam habuisset per species creaturarum, ut dicemus in Tractatu de statibus humanae naturæ.

Objecies tertio contra tertii conclusionem: In Deo clarè visu nulla potest appetere ratio mali: Ergo cūm homo non possit odire bonum, in quantum bonum, in quo nulla appareat ratio mali, necessitat, saltem quod specificationem, ad amandam & desiderandam visionem beatificam. Unde Augustinus 13. de Trinit. cap. 8. dicit omnes naturali instinctu velle esse beatos.

Respondeo quod quamvis nobis viatoribus, in visione beata nullum appareat malum positivè, in ea tamen appareat aliquod malum negativè; quia non cognoscitur pro hoc statu, in ea consistere omne bonum, quod sufficit ad hoc ut non appetatur necessariò quod specificationem: sicut licet Deus sit de facto omne bonum, quia tamen pro hoc statu, id à nobis clarè non cognoscitur, non amatuer necessariò, sed à quibuidam odio habetur. Et de facto carnales homines, ita suis voluptatibus addicti sunt, ut si eis daretur eligendi licentia, in eis semper vellent permanere, & propter ipsas visionem Dei contemnerent. Unde quando Augustinus ait omnes naturali instinctu velle esse beatos, loquitur de beatitudine in cōmuni, quam omnes naturaliter desiderant, & nemo potest odio habere, non autem de beatitudine in particulari, quæ in Dei visione consistit, quamvis in eodem capite, à beatitudine in cōmuni, transfeat postea ad beatitudinem in particulari.

DISPV-